

## Publicaziun FUS per ils 11 d'ust 2017

### Damonda da baghegiar nr. 42/17

Datum da publicaziun: ils 11 d'ust 2017

Proprietaris: Rafael + Erika Montalta  
Via Tumvi 41  
7163 Danis

Representanza: CTN GmbH  
Ringstrasse 35b  
7000 Cuera

Object: Baghetg annex (sectur d'entrada) + curtgin d'unviern, parcella  
4275, Tumvi, Danis

La damonda da baghegiar ei exponida sin canzlia communal. Ils profils ein tschentai. L'investa publica cuoza 20 dis dapi il datum da publicaziun.

**Eventualas protestas encunter presenta damonda da baghegiar ein d'inoltrar alla suprastonza communal enteifer 20 dis dapi il datum da publicaziun.**

**Suprastonza communal Breil**

### Damonda da baghegiar nr. 44/17

Datum da publicaziun: ils 11 d'ust 2017

Proprietaris: Heinz + Katharina Freudiger  
Via Mulin 12  
7154 Ruschein

Object: Niev scaldament "Luft/Wasser-Wärmepumpe" (giuado), parcella  
4870, Plaun, Danis

La damonda da baghegiar ei exponida sin canzlia communal. L'investa publica cuoza 20 dis dapi il datum da publicaziun.

**Eventualas protestas encunter presenta damonda da baghegiar ein d'inoltrar alla suprastonza communal enteifer 20 dis dapi il datum da publicaziun.**

**Suprastonza communal Breil**

## **Damonda da baghegiar nr. 55/15 (midada da project)**

Datum da publicaziun: ils 11 d'uoost 2017

Proprietaris: Daniel Pally  
Via Sut Baselgia 17  
7163 Danis

Object: Disfatga parciala, renovaziun ed amplificaziun casa d'ina famiglia  
**Midada da project: Construcziun annexa (sectur d'entrada),**  
parcella 3272, Tavanasa

La damonda da baghegiar ei exponida sin canzlia communal. Ils profils ein tschentai. L'investa publica cuoza 20 dis dapi il datum da publicaziun.  
**Eventualas protestas encunter presenta damonda da baghegiar ein d'inoltrar alla suprastonza communal enteifer 20 dis dapi il datum da publicaziun.**

**Suprastonza communal Breil**

## **Elecziuns cussegl da vischnaunca per la perioda d'uffeci 2018 - 2021**

Preziadas convischinas  
Preziai convischins

Las elecziuns dil cussegl da vischnaunca dalla nova vischnaunca fusiunada ha liug ils **24 da settember 2017**. Tenor contract da fusiun ha la vischnaunca da Breil d'eleger 8 commembers e mintga vischinadi ha il dretg da minimum in sez el cussegl da vischnaunca . Las suandontas persunas han demissiunau e stattan buca pli a disposiziun.

### **Cussegl da vischnaunca**

Cassian Friberg, Danis  
Marcus Brunner, Danis  
Martin Riedi, Danis  
Urs Cathomas, Breil  
Mario Seiler, Breil  
Veronica Cathomen, Breil

### **Suppleant cussegl da vischnaunca**

Giachen Nay, Danis

Talas demissiuns ein vegnidas inoltradas enteifer il termin fixau. Officials che han buca demissiunau valan sco proponi e vegnan sin gliesta d'elecziuns.

Tenor art. 14 dalla constituziun da vischnaunca han ils vischinadis d'inoltrar la gliesta dils candidats alla canzlia communal. La cumissiun da vischinadi ei obligada da far propostas per mauns dalla radunonza da vischinadi.

Propostas per mauns dalla cumissiun, che levgieschan tala en siu pensum, san vegnir fatgas enteifer 15 dis suenter la publicaziun ufficiala dallas demissiuns el Fegl ufficial. Las propostas ein d'inoltrar als geraus. Propostas valeivlas san mo vischinas e vischins cul dretg da votar, ch'ei sesents el vischinadi far. Ellas ein d'inoltrar a scret ed han d'obtener l'indicaziun dil proponider. Tal sto saver confirmar ch'el stetti era sin post per la candidatura. La cumissiun da vischinadi sa nominar ulteriurs candidats per mauns dalla radunonza da vischinadi. Las propostas existentas vegnan fatgas enconuschentas allas vischinas ed als vischins sil pli tard otg dis avon che la radunonza da vischinadi ha liug. A caschun dalla radunonza da vischinadi stat ei liber als vischins da far propostas per ulteriurs candidats. Ils proponi ston esser presents ni perstgisai alla radunonza e confirmar lur veglia da star a disposiziun per ina candidatura.

Gruppas da minimum tschun personas san far ulteriuras propostas suenter la radunonza da vischinadi. Talas han da vegnir inoltradas entochen 15 dis avon il termin d'elecziun alla canzlia communal. La persuna proponida sto dar la declaronza dalla candidatura.

L'elecziun dallas autoritads sedrezza tenor la costituziun communal ed il regulativ per l'elecziun dils officials da vischnaunca.

**Suprastonza communal Breil**

## **Avis**

Naven dils 16 d'uost 2017 entscheivan las lavurs vid la via Cadruvi Sut. Igl ei da quintar cun impediments da traffic.

Nus sperein sin Vossa capientscha.

**Suprastonza communal Breil**